

稀見明清經濟史料叢刊

第一輯

◎于浩輯



39



國家圖書館出版社

責任編輯：于浩
裝幀設計：曹利芳

ISBN 978-7-5013-3575-6



9 787501 335756 >

定價：13800 元（全四十六冊）

第一輯

稀見
明清
經濟
史料
叢刊

1391

◎ 于浩 輯



國家圖書館出版社

卷五
人物

第三十九册目錄

兩廣鹽法志	(清)李侍堯等修 (清)梁國治等纂	一
外志卷五	一
外志卷六	五九
兩廣鹽法志	(清)阮元等修 (清)伍長華等纂	一三三
序	一四九
卷首	二二九
卷一	三二七
卷二	四一一
卷三	四四三
卷四	五〇三
卷五

兩廣鹽法外志卷五

人物

宦蹟

流寓

鄉賢

節孝

蓋立德立言立功士之所以不朽也忠孝節烈名
所由顯也志鹽法者官非轉運籍非商竈毋敢濫
焉雖然忠節如胡澹菴德行如周元公文章若楊
誠齋英聲高誼照耀古今鹽官之盛可爲嶺嶠增
輝矣至於業鹽之家有孝行節義可紀者爬羅剔
抉猶懼或遺是又望於後之踵是編者志人物

宦蹟

唐

第五琦字禹珪京兆長安人少以吏幹進頗能言疆國富民術肅宗駐彭原琦謁見卽陳今之急在兵兵強弱在賦賦所出以江淮爲淵若假臣一職請悉東南寶資飛餉函洛惟陛下命帝悅拜監察御史遷司金郎中兼侍御史諸道鹽鐵鑄錢使鹽鐵名使自琦始當軍興隨事趨辦人不益賦而用以饒

劉晏字士安曹州南華人肅宗時以戶部侍郎兼御

史中丞度支鑄錢鹽鐵等使貶通州刺史代宗立
復爲京兆尹戶部侍郎領度支鹽鐵轉運鑄錢租
庸使第五琦始權鹽佐軍興晏代之法益密利無
遺入初歲收緝錢六十萬末乃什之計歲八千二
百萬而權居大半民不告勤

宋

潘美大名人開寶三年征嶺南以美爲行營諸軍都
部署進拔韶州長驅至廣州擒劉鋹送京師卽日
命知廣州兼市舶使五年兼嶺南道轉運使土豪

周思瓊聚衆負海爲亂美討平之嶺表遂安

尹崇珂大名人開寶中征嶺南以崇珂爲行營馬步副都署克廣州擒劉鋹卽日詔與潘美同知廣州兼市舶轉運等使未幾樂範鄧存忠等據五州之地以叛崇珂討之數月盡平其黨

王明成安人太祖時爲嶺南轉運副使徧歷部內視民疾苦舊無名科歛悉條奏除之嶺表遂安

楊克讓字應孫馮翊人晉末舉進士開寶初爲西川轉運使代還疏民利病十事歷知廣州兼轉運市

舶使藝祖以克讓奏十事稱旨詔升段慆等賜金

幣

邊珣鄭人太宗時充廣南轉運使初至適桂州守張
頌卒藁葬城外舊制不許以族行僕人乃分匿其
家財珣召官吏悉追取之送其柩歸維州原籍

周渭恭城人太平興國二年爲廣南諸州轉運副使
奏去劉鋹時稅算之繁者重定田賦興學校屬有
事交阯渭先移書諭朝廷威信黎桓懼卽遣使入
貢就加監察御史

楊允恭綿竹人太平興國中爲廣連都巡檢使以海
鹽盜入嶺北民犯者衆請建大庾縣爲軍官輦鹽
市之詔建爲南安軍自是冒禁者少賊有葉氏者
衆五百餘往來海上允恭集水軍襲斬之賊寇每
遇風濤遯止洲島閒允恭領衆涉海捕之殆盡又
抵漳泉賊所止處盡奪先所劫男女還其家詔書
嘉獎

許仲宣字希粲青州人太平興國中爲廣南轉運使
會用兵征高州其地炎瘴士卒死者十二三仲宣

奏罷且不待報人或難之仲宣曰若待報積屍徧野矣罪一人活千萬人吾何恨哉雍正四年出知廣州性寬恕而倜儻處變晏然人服其量

凌策字子奇宣州人雍熙二年進士歷廣南西路轉運使嶺南驛輸香藥置卒萬人分鋪二百負擔抵京師帝以煩役爲患詔策規制之策請陸運至南安汎舟而北止役卒八百大省運費盧之翰知廣州不稱職帝以策有幹名命代之廣英路自古河趣板步二百里盛夏瘴起行旅多死者策請從英

州太原洞伐山開道直抵曲江民甚便之

陳堯叟字唐夫新井人端拱三年登甲科釋褐光祿寺丞直史館與父省華同日賜緋遷秘書丞廣南西路轉運使嶺南風俗病者禱神不服藥堯叟爲集驗方刻州驛石柱又以地氣蒸暑爲植樹鑿井每三十里置亭舍具瓶罌人免中暍會加恩黎桓爲交南信使初將命者必獲贈遺數千緡桓責賦於民往往斷其趾堯叟授以朝命而却其餽凡有亡命來奔者悉以歸桓桓感恩併捕海賊爲謝先

是歲調雷化高勝容白諸州兵使輦軍糧汎海給
瓊州率多溺咸苦之海北岸有遞角場正與瓊對
伺風便一日可達與雷化高太平四州地水路接
近堯叟因規度移四州民租米輸於場第令瓊州
遣水兵具舟自取人以爲便代還加刑部員外郎
充度支判官未幾會撫水蠻渠蒙令國殺使臣擾
動命堯叟爲廣南東西兩路安撫使至道中知端
州後拜右僕射卒贈侍中諡曰文忠

向敏中字常之開封人太平興國五年進士歷戶部

判官知制誥未幾以考累出知廣州曉暢民務善處繁劇尤以清廉著擢廣南東路轉運使歷左僕射昭文館大學士卒贈太師中書令諡文簡

張士遜字順之陰城人淳化進士歷官侍御史徙廣東轉運使至南雄奏除苛政蠲戶役十餘事累遷禮部尙書同中書門下平章事拜太傅封鄧國公致仕卒年八十六贈太師中書令諡文懿

黃震字伯起浦城人進士及第累遷著作郎知饒州徙廣東轉運使先是廣南歲進異花數千本至都

下道路苦其煩擾震奏罷之震在真宗朝數論事
既卒詔進一階

胡則字子正永康人以進士起家爲京西轉運使遷
禮部郎中徙廣州路轉運使有番舶遭風至瓊州
且告乏不能去則命貸錢三百萬吏白番人狡詐
且風波不可期則曰彼以急難投我可拒而不與
邪已而償所貸如期後徙杭州再遷兵部侍郎致
仕卒

郎簡字叔廉越之臨安人進士及第累遷尙書度支

員外郎廣南東路轉運使擢秘書少監知廣州捕
斬賊馮佐臣境內獲安入判大理寺歷給事中知
楊州以工部侍郎致仕年九十

張盥之字景山淮安清河人進士及第仁宗時累官
至廣南東路轉運使嶗獠有犯其渠長例得自治
刑多慘酷盥之請以漢法從事一路晏然

杜杞字偉長京兆人慶歷中爲廣南西路轉運使時
區希範陷瓊州杞以計攻破之遂復瓊州因伏兵
擒諸蠻寇六百餘人尋得希範醢焉海南遂平終